



Broj: 01/3-50-3-3-25/18  
Veza: 01,02-50-19-874/18  
Sarajevo, 28. 5. 2018.

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 29-05-2018

Organizaciona jedinica	Klasifikaciona oznaka	Redni broj	Broj priloga

**PARLAMENTARNA SKUPŠTINA BiH**  
**- PREDSTAVNIČKI DOM-**

Na osnovu člana 32. stav (1) i člana 46. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14,81/15 i 97/15), Komisija za vanjsku trgovinu i carine Predstavničkog doma Parlamentarne skupštine Bosne i Hercegovine je na 25. sjednici, održanoj 28. 5. 2018, u prisustvu predlagača, razmatrala Izvještaj o radu Upravnog odbora Izvozno-kreditne agencije BiH za 2017. godinu i Plan poslovanja Izvozno-kreditne agencije BiH za 2018. godinu, broj:01,02-50-19-874/18 od 3. 4. 2018, te Predstavničkom domu Parlamentarne skupštine Bosne i Hercegovine dostavlja sljedeće

**M I Š L J E N J E**

**o Izvještaju o radu Upravnog odbora Izvozno-kreditne agencije**  
**Bosne i Hercegovine za 2017. i Planu poslovanja Izvozno-kreditne agencije BiH**  
**za 2018. godinu**

Na osnovu člana 14. stav (3) Zakona o osnivanju Izvozno-kreditne agencije Bosne i Hercegovine („Službeni glasnik BiH“, broj 62/04), Upravni odbor Izvozno-kreditne agencije Bosne i Hercegovine podnio je 3. 4. 2018. Parlamentarnoj skupštini Bosne i Hercegovine Izvještaj o radu za 2017. godinu i Plan poslovanja za 2018. godinu, broj: 01,02-50-19-874/18.

Kolegij Predstavničkog doma Parlamentarne skupštine Bosne i Hercegovine je na 66. sjednici, održanoj 17. 4. 2018, odredio Komisiju za vanjsku trgovinu i carine Predstavničkog doma Parlamentarne skupštine Bosne i Hercegovine (u daljnjem tekstu: Komisija), kao nadležnu za razmatranje navedenih materijala.

Na 24. sjednici Komisije, održanoj 14. 5. 2018, nisu razmatrani Izvještaj o radu Upravnog odbora Izvozno-kreditne agencije BiH za 2017. godinu i Plan poslovanja Izvozno-kreditne agencije BiH za 2018. godinu zbog neprisustva predlagača, kako je to predviđeno članom 117. Poslovnika Predstavničkog doma Parlamentarne skupštine Bosne i Hercegovine.

Iz navedenog razloga Komisija je **jednoglasno odlučila** da navedene materijale ne razmatra nego da Kolegiju Predstavničkog doma Parlamentarne skupštine Bosne i Hercegovine uputi zahtjev za skidanje 18. tačke s dnevnog reda 61. sjednice Predstavničkog doma Parlamentarne skupštine Bosne i Hercegovine, zakazane za četvrtak, 17. 5. 2018.

Komisija je na 25. sjednici, održanoj 28. 5. 2018, u svojstvu nadležne komisije, razmatrala Izvještaj o radu Upravnog odbora Izvozno-kreditne agencije BiH za 2017. godinu i Plan poslovanja Izvozno-kreditne agencije BiH za 2018. godinu.

Nakon rasprave, Komisija je posebno glasala o Izvještaju o radu Upravnog odbora Izvozno-kreditne agencije BiH za 2017. godinu i Planu poslovanja Izvozno-kreditne agencije BiH za 2018. godinu.

**Komisija je jednoglasno usvojila Izvještaj o radu Upravnog odbora Izvozno-kreditne agencije BiH za 2017. godinu i Plan poslovanja Izvozno-kreditne agencije BiH za 2018. godinu, te predlaže Predstavničkom domu Parlamentarne skupštine Bosne i Hercegovine njihovo usvajanje.**

Na osnovu člana 122. Poslovnika Predstavničkog doma Parlamentarne skupštine Bosne i Hercegovine, Komisija je za izvjestioca na sjednici Predstavničkog doma Parlamentarne skupštine Bosne i Hercegovine odredila Šemsudina Mehmedovića, predsjedavajućeg Komisije.

**Dostaviti:**

- naslovu
- a/a



**PREDSEDAVAJUĆI KOMISIJE**  
**Šemsudin Mehmedović**